

第八章 針織業

第一節 針織業之概況

紡織工業，除棉紗、棉織、縐絲、絲織、毛織、麻織以外，尚有針織一業，自民國以來，已成為重要之一，以其無需多大資本，輕而易舉故也。針織業係包括汗衫、襪、毛巾、花邊、線毯、衛絨等而言，其中除汗衫外，尤以襪業為大宗。襪業最初發軔於香港、廣州、汕頭繼之；其後上海、漢口、天津、北平、寧波、松江、杭州、江陰、武昌、營口、瀋陽、無錫、青島、重慶等處，相繼發達。惟編物非中國法，自光緒中葉始有之，製品為手套、汗衫、襪、毛巾等類。其最早創立者，以光緒二十四年徐雨之在滬所設之景綸汗衫廠為最大，每年銷額，不下二十萬金，可稱極盛。

距今三十年前，吾國所用之機織衫襪，皆自舶來。鷹球麒麟等牌，來自德國，最為國人所歡迎。顏色祇漂白一種，間亦有黑色者，然甚稀少。綜計德貨衫襪，盛銷吾國市場者，幾及十年。英、美各國，雖有同樣貨品進口，絕難與其爭衡，及前清光緒末葉，德貨既屬盛銷，舊時之葛衫布襪，漸歸淘汰。於是國人痛恨利權之外溢，欲思購機仿製，以塞漏卮而圖利。其時有茂盛、天祥等洋行，發售西洋機機，恆泰公司發售日本機機，均係手搖。當時購機試辦者，以捷足、營業兩公司最為著稱，嗣後手搖機機，國人亦知仿造，於是業針織者，廠肆如林。及民國初元，復有電力針織機之進口，時

廣東有進步電機針織廠之發起，上海有錦星針織廠之組織，爲吾國針織業開一新紀元。迨歐戰勃興，德貨來源告竭，吾國出品乃感供不敷求，接踵而起者，如春筍怒發。又以積極競爭之故，其出品之各種花樣，俱不亞於舶來品。不但風行國內，且暢銷南洋、歐美等處焉。

現在吾國針織業最發達之區域，當推江蘇之上海。上海在民國初年，襪業工廠，尙寥若晨星，不過一二家而已。其後洋貨充斥，價格甚高，致每年金錢外溢在數十百萬。其後國人知提倡國貨，刻不容緩，針織工廠，乃次第成立。在民國五六年間，上海所有之針織廠，仍不過四五家。錦星、進步、利和等廠設立以來，民國六年，又有中華第一針織廠、足安、工足等廠之設立。民國七年後，創設更多，如義和、粵興、海通、富華、精華、裕康、裕民、三聯、聯華、鴻興、益華、信成、光華、大文、鑫華、人餘、三才、同濟、勤興、久益、志成、勤成、南昌、正大、祥雲、公大、大華、同安、上海內衣、南洋、久和、履安等廠，相繼設立，發展極速。至民國十五年，僅襪廠一項，已達五十餘家。民國十七年，已增一百家以上，銷行國內各埠及南洋羣島，每年亦達三四百萬打，挽回利權，不在少數。近年海關進口之洋襪，除上等者外，中等綫襪直等於無，是誠一大好現象。各廠資本，至不一律，最大者資本二十萬元，小者不過三四百元，以七八萬至十萬元之資本爲最多。較大者爲中華第一針織廠、精華襪廠等，皆於工廠之外，另設有發行所，辦理批發手續。小者頗含有家庭工廠性質，集三四百元作本，稍稍購置應用物品，如手搖機等，即可着手工作。迨織成後即分送於較大之工廠，獲利至微，僅足餬口而已。然此特居少數，大部皆自有織機織製發售。至其原料，不外線絲、人造絲等，吾國雖有出產，奈供不應求，尙不足供一家之用，不得已而思其次，惟有求之外貨，採辦以美國佔大部份，其次英國，又次日本，此則深可慨也。